

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik

Broj: 02/12-23-15860/19  
Sarajevo, 23.8.2019. godine

Na osnovu člana člana 68. stav (4) tačka h), člana 69. stav (2) tačka e) i člana 70. stav (1) i (4) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usloga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usloga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi

## **ODLUKU O PONIŠTENJU POSTUPKA JAVNE NABAVKE**

### **I**

Prihvata se preporuka Komisije za javnu nabavku radova i poništava se postupak javne nabavke „Regulacija vodotoka Lepenica - faza XIV“, u otvorenom postupku, broj obavještenja 422-1-3-208-3-99/19 objavljen u „Službenom glasniku BiH – Oglasnik javne nabavke“, br.52/19 od 02.8.2019. godine, obzirom da je ponuđena cijena ponuđača koji ispunjava kvalifikacione uslove iz tenderske dokumentacije veća od osiguranih sredstava za predmetnu nabavku.

### **II**

Zadužuje se Služba za zajedničke poslove da ovu Odluku objavljuje na web stranici Općine [www.novigradsarajevo.ba](http://www.novigradsarajevo.ba), u skladu sa članom 70. stav (6) Zakona o javnim nabavkama.

### **Obrazloženje**

Odlukom broj 02/12-23-15860/19 od 25.7.2019. godine Općina Novi Grad Sarajevo pokrenula je postupak javne nabavke za izvođenje radova na regulaciji vodotoka Lepenica – faza XIV, u otvorenom postupku, broj obavještenja 422-1-3-208-3-99/19 objavljen u „Službenom glasniku BiH – Oglasnik javne nabavke“, br.52/19 od 02.8.2019. godine.

Zapisnikom o otvaranju ponuda od 19.8.2019. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača: „Dinalsa“ d.o.o. Sarajevo, „Orman“ d.o.o. Kiseljak i „Harysco“ d.o.o. Sarajevo. Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Dinalsa“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1 tehnička i profesionalna sposobnost a) i c): da je ponuđač u protekle tri kalendarske godine kao glavni izvođač uspješno izvršio jedan ugovor koji za predmet ugovora ima radove koji su u vezi s predmetom nabavke vrijednosti najmanje 100.000,00 KM sa PDV-om, a što se dokazuje listom izvršenih ugovora i najmanje jednom potvrdom za ugovor koji za predmet ima radove koji su u vezi s predmetom nabavke vrijednosti najmanje 100.000,00 KM sa PDV-om, koju je izdao naručilac radova, zatim da je ponuđač opremljen neophodnom opremom za obavljanje predmetnih radova: kamion – 2 kom, utovarač - 1 kom, bager 20 t – 1 kom i mini bager 5 t -1 kom, a što se dokazuje izvodom iz knjige osnovnih sredstava ili ugovorom o iznajmljivanju opreme, za kamione se dostavlja saobraćajna dozvola, a za radne mašine saobraćajna ili upotrebna

dozvola sa zapisnikom koji dokazuje tražene karakteristike (original ili ovjerena kopija). Uvidom u dostavljenu dokumentaciju ponuđača „Dinalsa“ d.o.o. Sarajevo konstatovano je da je dostavljena potvrda firme „Elegant house“ d.o.o. Sarajevo o uspješnoj realizaciji ugovora na radovima niskogradnje-izgradnja pristupnih puteva i parking prostora za potrebe stambeno-poslovnog objekta u vrijednosti 203.005,45 KM bez PDV-a, te izjava „Dinalsa“ d.o.o. Sarajevo da su pri realizaciji naprijed navedenog ugovora vršili radova na dijelu regulacije korita rijeke Željeznice. Iz naprijed navedenog Komisija je ocijenila da predmetnom potvrdom o realizaciji ugovora i dostavljenom izjavom ponuđač nije dokazao da je vršio radove u vezi sa predmetom nabavke vrijednosti najmanje 100.000,00 KM jer se u potvrdi naručioca ne navode radovi regulacije vodotoka rijeke Željeznice, niti je utvrđena vrijednost istih. Nadalje, jedna od dostavljenih saobraćajnih dozvola za teretno vozilo je istekla 09.4.2019. godine, odnosno prije 19.8.2019. godine koji je određen kao krajnji rok za predaju ponuda.

Iz naprijed navedenih razloga utvrđeno je da ponuđač „Dinalsa“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. a) i c) tehnička i profesionalna sposobnost, te je ponuda odbačena jer nije potpuna i ne ispunjava zahtjeve iz tenderske dokumentacije.

Komisija je utvrdila da ponuđač „Harysco“ d.o.o. Sarajevo ne ispunjava kvalifikacione uslove tražene u tenderskoj dokumentaciji iz tačke 3.4.1. c) tehnička i profesionalna sposobnost: da je ponuđač opremljen opremom neophodnom za obavljanje predmetnih radova. Uvidom u dostavljenu dokumentaciju „Harysco“, d.o.o. Sarajevo utvrđeno je da je saobraćajna dozvola za jedno teretno vozilo istekla 27.10.2018. godine, a za drugo 18.01.2019. godine, odnosno prije 19.8.2019. godine koji je određen kao krajnji rok za predaju ponuda, kao i da uz upotrebne dozvole za radne mašine nisu dostavljeni zapisnici kojima se dokazuju tražene karakteristike radnih mašina (original ili ovjerena kopija).

Iz naprijed navedenih razloga utvrđeno je da ponuđač „Harysco“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. c) tehnička i profesionalna sposobnost, te je ponuda odbačena jer nije potpuna i ne ispunjava zahtjeve iz tenderske dokumentacije.

Uvidom u preostalu ponudu ponuđača „Orman“ d.o.o. Kiseljak Komisija je analizom i procijenom dokumentacije kojom ponuđač treba dokazati svoju kvalifikovanost za učešće u ovom postupku utvrdila da ista ispunjava formalno-pravne i kvalifikacione uslove tražene u tenderskoj dokumentaciji. Ponudena cijena za ugovor ponuđača „Orman“ d.o.o. Sarajevo je 105.247,80 KM bez PDV-a, odnosno 123.139,93 KM sa PDV-om.

Odlukom o pokretanju postupka javne nabavke regulacija vodotoka Lepenica – faza XIV broj 02/12-23-15860/19 od 25.7.2019. godine procijenjena vrijednost za nabavku iznosi 85.470,09 KM bez PDV-a, odnosno 100.000,00 KM sa PDV-om. Uvidom u dostavljenu ponudu „Orman“ d.o.o. Sarajevo Komisija je konstatovala da je cijena ponude znatno veća od sredstava planiranih za predmetnu nabavku.

Imajući u vidu da je Komisija u cijelosti pravilno provela postupak i da je kvalifikovanost ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije o poništenju postupka javne nabavke, te je shodno odredbama člana 68. stav (4) tačka h) i člana 69. stav (2) tačka e) Zakona o javnim nabavkama („Službeni glasnik BiH“, br. 39/14) odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila:  
mr. Nejra Smajić Šahić

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik  
mr. Senir Efendić